

Nunatta Qitornai

Inatsisartuni



07.oktober 2020

UKA2020/23

Uunga siunnersuut: Sanaartornermi neqerooruteqartitsisarneq pillugulnatsisartut inatsisaata allanngortinneqarnissaa pillugu Inatsisartut inatsisaatnr. xx, xx. xxx 2020-meersoq. (Aningaasanut killigitassanik iluarsineq, atuuffinnik erseqqissaaneq, siumoortumik neqerooruteqartitsinani aamma isumaqatigiiffiusumik neqerooruteqartitsinani suliariumannittussarsiuussisarnissamik pi-umasaqaatit pillugitaalajangersakkat, siumoortumik nalunaaruteqartarnissamik atuutsitsiler-neqkiisalu Neqerooruteqartitsisarnermut Maalaaruteqartarfik pilluguaalajangersakkanik atorun-naarsitsineq). (Ineqarnermut Attaveqaqatigiinnermullu Naalakkersuisoq

Naalakkersuisut sanaartornermi neqerooruteqartitsinermi siunnersuuteqarnermikkut allaffissornik-kut annikillisaaniarput, akikinnerulersitsiniarput aammalu eqaallisaaniarput. Iliuutsit taamaattut tusarluarnaqaat.

Illoqarfinni annerusuni neqeroortitsisarnermut unammillertartut amerlanerupput, kisianni isorliu-nerusuni illoqarfinnilu minnerusuni mesterit ukiuni kingullermi ikileriarujussuarput. Ikileriarujus-suarnerini neqeroortitseriaaseq namminerisamik aporfianani pisortat sanaartugassai illoqarfinnut annerusunut katiterukkiartorinerisa kinguneraniippoq, tassa maani aningaasatigit atugassiisutigi-neqartartut inatsisartut inatsisaatigit akuersissutigineqartartut. Aaliangiiniarnitsinni nalilersortuar-tigu aaliangiinerput isorliunerusunut illoqarfinnullu aamma ineriartortinneqarnissaminnut pisari-aqartitsisunut qanoq aaliangerneq tamanna isumaqarfiginera.

Aningaasat atugassat killilerneqarnerisa nikisinneqarnerat isumaqarpugut million ataallugu sulias-saagaluarpalluunniit unammilleqatigiinneq peqqinnartoq annaanaveersaarneqartariaqartoq tas-suunaqqullugu akikinnerusoq imaluunniit aamma pitsaanerusoq toqqarsinnaajumallugu pisortat aningaasalersuiffigisaanni qulakkeerneqaqqullugu.

Pisortat aningaasalersugaannik sanaartornermi neqeroortitsisarnitsinni suliffeqarfiit aningaasanut inatsit qiviaannarlugu sanaartugassanullu tunngasutigit qiviaannarlugit akissaritinneqartussaq takusinnaareerlugu taanna taggillugu neqeroorneq ingerlatiinnarsinnaavaat, nalunnginnamikku pisortanit aningaasaliissutigiumaagassaq qanoq annertutiginersoq. Periuseq tamanna pakkersi-maarniarlutigu sakkortuumik kaammattuutiginarpoq aningaasaliissutissatut inatsisartut aningaasaq aqputigalugu saqqumitsitsarnerup allanngortittariaqarnera. Neqeroorneq neqeroornivik sanaartu-gassat akivii aammalu suliap nalivia aallaavigineqalissasoq qularutiginningsigut. Periuseq tamanna nunani allani sanaartugassanut aningaasaliissutaasinnaasut taamatut isineqarnerisigut pisortat aningaasalersuutaasa qummuinnaq ingerlanerat pakkersimaarneqartarpoq.

Nunatta Qitornai

Inatsisartuni



Sanaartornermi pissutsinut allanngoriartortunut tulluarsaaneq, aningaasartuutikillisaaneq aam-
malu eqaallisaaneq siunertaralugu suliaq iluarisimaarparput minnerunngitsumillu maalaarsinnaa-
neq pillugu erseqqissumik inissiineq iluareqaarput.

Taamatut oqaaseqarluta sanaartornermi neqeroortitsisarneq pillugu inatsimmut allannguutissatut
siunnersuutissaq ilalerparput sanaartornermullu ataatsimiititaliamut ingerlatipparput.